

Экономика және өндіріс саласындағы ынтымақтастық туралы Қазақстан Республикасының Үкіметі мен Палестина Мемлекеті Үкіметінің арасындағы келісімді бекіту туралы

Қазақстан Республикасы Үкіметінің Қаулысы 1996 жылғы 20 наурыз N 337

Қазақстан Республикасының Үкіметі қаулы етеді:

1995 жылғы 27 желтоқсанда Газада қол қойылған Экономика және өндіріс саласындағы ынтымақтастық туралы Қазақстан Республикасының Үкіметі мен Палестина Мемлекеті Үкіметінің арасындағы келісім бекітілсін.

Қазақстан Республикасының
Премьер-Министрі

Қазақстан Республикасының Үкіметі мен Палестина
Мемлекетінің Үкіметі арасында Экономика және өндіріс
саласындағы ынтымақтастық туралы
КЕЛІСІМ

Қазақстан Республикасының Үкіметі мен Палестина Мемлекетінің Үкіметі, бұдан былай **Уағдаласушы Тараптар** деп аталады, екі ел арасындағы достық байланыстарды ескеріп және экономика мен өндіріс саласында қарым-қатынастардың дамуына атсалысуға деген ұмтылысты негізге ала **отырып**, экономика мен өндіріс саласындағы неғұрлым тығыз ынтымақтастықтың Уағдаласушы Тараптардың екеуі үшін де өзара тиімділігін мойындай отырып, **төмендегілер туралы келісті:**

1-бап

Уағдаласушы Тараптар тепе-теңдік пен өзара тиімділік негізінде экономика мен өндіріс саласында екі жақты ынтымақтастыққа атсалысатын болады.

2-бап

Уағдаласушы Тараптар жан-жақты экономикалық байланыстарды кеңейту мақсатында экономика мен өндіріс саласында ынтымақтастыққа жәрдемдесетін болады.

Уағдаласушы Тараптар сонымен қоса қолданылып жүрген заңдар мен қалыптарға сәйкес екі елдің жеке адамдары, компаниялары мен ұйымдары арасындағы ынтымақтастыққа да қолғабыс беретін болады.

Осы Келісім бойынша Уағдаласушы Тараптардың өздеріне алған міндеттемелері Уағдаласушы Тараптар қатысушылары болып табылатын халықаралық келісімдерге қайшы келмейтін және олардың шеңберінен шықпайтын болады.

3-бап

Уағдаласушы Тараптар өзара мүдделілікті білдіретін ынтымақтастық салаларын айқындап, белгілейді. Бұл орайда ынтымақтастық мына бағыттар бойынша дами алады:

- ауыл шаруашылығын, өнеркәсіпті және қызмет көрсету саласын қоса алғанда экономика мен кәсіпкерліктің әр түрлі салаларында ынтымақтастық мүмкіндіктерін зерделеу мен кеңейту, бұл орайда әрбір Тараптың өзіне қабылдаған міндеттемелеріне н ұ с қ а н к е л т і р м е у ;

- өнеркәсіп, құрылыс, табиғи ресурстарды ұқсату және энергетика сияқты салаларда өзара мүдделілікті білдіретін жобаларды зерделеп, анықтау;

- ауыл шаруашылығын, өнеркәсіпті және қызмет көрсету саласын қоса алғанда әр түрлі қызмет салаларында екі жақты қарым-қатынастардың даму барысында экономика мен кәсіпкерлікте туындауы мүмкін проблемаларды анықтау, зерделеу және олардың ш е ш і м д е р і н і з д е с т і р у ;

- қабылдаушы Тараптың екінші Уағдаласушы Тараптың инвестициялары үшін

қолайлы жағдайлар жасауы және инвестициялық жобаларды жүзеге асыруы үшін
ы н т ы м а қ т а с т ы қ о р н а т у ;

- екі Тараптың қолданылып жүрген заңдары ауқымында меншік құқығын, патенттер мен авторлық құқықты қорғау саласында консультациялар алысып, ынтымақтасу;

- Уағдаласушы Тараптардың экономикалық ұйымдары арасында өзара ақпарат
а л м а с у ;

- Тараптар уағдаласуы мүмкін басқа да ынтымақтастық.

4-бап

Уағдаласушы Тараптар өзара мүдделі болып табылатын салаларда келісімдер жасасу арқылы экономика мен өндіріс саласында өзара қарым-қатынастарын дамытуға атсалысуға деген ниетін білдіреді.

5-бап

Жәрмеңкелер, мамандандырылған көрмелер, симпозиумдар және басқалары сияқты ынтымақтастықты дамытуға атсалысатын іс-шараларға Уағдаласушы Тараптар айрықша мән беретін болады. Осы мақсатта Уағдаласушы Тараптар аталған іс-шараларды ұйымдастыруға жәрдем беріп,

оларға екі Тараптың кәсіпорындары мен мекемелерінің қатысуын ынталандыратын болады.

6-бап

Уағдаласушы Тараптар осы Келісімнің мазмұны жөнінде өз араларындағы қандай да бір проблемаларды, даулы мәселелер мен алшақтықтарды екі жақты келіссөздер арқылы шешу үшін күш-жігер жұмсайды.

7-бап

Уағдаласушы Тараптардың өзара келісімі бойынша бұл Келісімге өзгерістер мен толықтырулар енгізуге болады, олар хаттамамен ресімделеді.

8-бап

1. Осы Келісімнің іс жүзінде орындалуын және дамытылуын қамтамасыз ету үшін Экономика мен өндіріс саласында ынтымақтастық жөніндегі Үкіметаралық Аралас Комиссия (бұдан былай "Аралас Комиссия" деп аталады) құрылып, ол Уағдаласушы екі Тараптың өкілдерінен тұрады.

2. Өзара келісім бойынша екі Тараптың мекемелері мен мемлекеттік органдарының өкілдері аталған Аралас Комиссияның жұмысына кеңесшілер (консультанттар) ретінде қатыса алады.

3. Қажет болған ретте Аралас Комиссия арнайы мәселелерді қарау және осы мәселелер бойынша нақты келісімдерді талқылау жөнінде ұсыныстар енгізу мақсатында жұмыс топтарын құрады.

4. Келісімнің жүзеге асырылуына атсалысу және осы Келісімнің шеңберінде ынтымақтастықтың даму барысын қадағалау, сондай-ақ мұндай ынтымақтастықты кеңейтіп, жеделдету жолдарын зерделеу және нығайту мақсатымен Аралас Комиссия екі мемлекеттің аумағында алма-кезек жиналатын болады.

9-бап

Осы Келісім Уағдаласушы Тараптар тиісті ішкі консультациялық үрдістердің аяқталуы туралы бір-бірін хабардар еткен соң 60 күннен кейін күшіне енеді және егер Тараптардың біреуінен оның күшін жою туралы жазбаша хабар келіп түспесе, қанша уақыт болса да қолданыла береді, ал бұл орайда хабар алынған күннен бастап 6 айдан кейін Келісімнің қолданылуы тоқтатылады.

10-бап

Осы Келісімнің қолданылу мерзімінің тоқтатылуы ол күшінде болған кезде басталып, бірақ аяқталмай қалған жобалардың немесе келісімдердің жүзеге асырылуына кедергі келтірмейді.

Газа қаласында 1995 жылғы 27 желтоқсанда әрқайсысы екі дана болып, қазақ, араб, және орыс тілдерінде жасалды, сондай-ақ барлық мәтіндердің күші бірдей. Алшақтық туа қалған жағдайда Тараптар орыс тіліндегі мәтінді басшылыққа алады.

Қазақстан Республикасының Палестина Мемлекетінің
Үкіметі үшін Үкіметі үшін